

DESCRIPTION DU FLIE ET MARS DIEP, LES DEVX PLVS RENOMMEZ FLEVVESET COVRANTS D'HOLLANDE S'ESTANDANT SA MONT,

Vers la Mer du Sud.

Ils faut scauoir que la tour de Brandiere situee dans l' Isle Schelling a esté transposée, elle souloit estre au midy des maisons de Westeynd, & a present elle est entre le Villa ge de Westeynd, & les Duyne s vers la mer, & au hant y a on fait, metre des lanternes pour esclairer de nuit, les Pilotes doient bien remarquer & prendre garde a cecy, car il n'y a point d'endroit au costé du Nort de Tessel, ou il y ait des eschaugettes, qu'en l' Isle de Schellinck.

Un Navire venant de la mer du N. & voulant tirer à mont vers Amsterdam on Enchuyse, & desire d'entrer au Nordergat, ou profond Septentrional du Flie, il faut qu'il prenne son cours de sorte quil mette les capes qui sont posées sur le Schelling, droit sur les dunes, & la dune noire droit a la moitié de la plus haute dune blanche du milieu. Lors on vien a trouuer lextreme tonneau & d'iceluy iusques a la autre faut tirer vers le S. quart au S. E. ou S. quart au S. O. selon que le vent & courant le permettent, de la iusques au tonneau au bout, faut il tirer vers le S. quart au S. O. ou S. Toujours obseruant & prenant biē garde aux flux de leau. Du tonneau au bois iusques a Monke-sloot, il faut tirer S. et S. quart au S. O. Et de la iusques a Langevant, S. quart au S. E. De la iusques Wolfs-hoeck S. E. quart au S. & de la Caes-hoeck S. S. Est. Les marques de Caes-hoeck sont quand la tour de Franiker se vien ioindre au haure de Haerlinghe. De Caes-hoeck iusques à Schuytsean E. S. E & gisit sur ces marques, a scauoir que venant Coornwert du Costé d'E de Bols-wart & Winaldum responde au chasteau de Harlingen. De Schuytsean iusques a Swanebalch S. E. & le tonneau git sur ces marques quand Bolswart se monstre ver l'Est du Stins qui est au S. de Cornvvert, & quant Bolswett vient entre le Stins & Cornvvaert, lors pent on nauiger iceluy traict sus & ius. De Svanebalch iusques a Middelgrōt, se fait voile au S. S. E. & les marques sont, deux tours aiguës vers le S. & deux tours vers le N. de Harlingen se monstrantes l'un sur l'autre. De Midelgrōt iusques a Idelhoeck, & que l'O. de Worckun devant le S. & lors vient Coldum au bout de Sud de Hinlopē qui est une marqué de tonneau d'O. de Worckun, De la iusquau tonneau dens le bocht S. S. E. Lors Pandegra viendra vers le S. de Voorvvolde dans une vallee. Et quant Pandegra viet a se ioindre aux maisons du voisinage, tenez lors ainsi en estre icelle tourelle iusques a ce que arrivez au tonneau qui est sur la plate ou sabloniere de Frise, la est leau la plus profonde & cette trace ou traict, s'estand S. S. O. De la plate ou sabloniere de Frise iusques a Creil S quart au S. O. Les marques du Krielsont, quand Mirns vient au bout du S. de la Colline, nommee het Clif, & les moulins a blé viennet du costé d'O. de Memelick, De Creil iusques a Crepel faut tirer S. S. E. & S. E. quart a l'E. Les marques de Crepel sont, quand Enchuyzen vient iognant a Ven, & Brouck iognant Hein, & sur lesdictes marques gisit le tonneau de Crepel. De la iusques au premier tonneau, qui est gisant a Hillelag, faut tirer S. S. E. quart au S. E. Et ce trou ou trace s'estand iusques aux baques S. quart au S. d'E. Mais du tonneau interieur iusques sur la Rade devant Enchuyse faut tirer S. quart au S. O.

Item pour faire voile & nauiger d'Encuyen vers Texel, l'on tirera ou fera voile (selon que le vent & courrant seront) du tonneau gisant dans le Nordegat, dict trou de North, N. N. O & N. quart au N. E. iusques a ce que Broek se iognre a Hem, illec se trouve le tonneau sur le Crepel. De la iusques aux baques de Crepel faut tirer N. O. Et quand Lutkebroeck vient iognant Hem lors on est aux baques de Crepel. De la iusques au tonneau du S. qui est sur le plan de Wieringhe faut tirer N. O. quart a l'O. selo le vent & courant, & la sont les marques du susdict tonneau. Quand Twisch vient respodre a Almerdorp & Broucq entre les deux foinils: & la tour d'Oest lande se vienne ioindre aux maisons de Wieringe. De la iusques au tonneau au milieu, faut tirer N. O. quart au N. iusques a ce que le Moulin de Wieringe viene a estre sur le costé de S. des maisons qui sont sur le rivage. Du tonneau du milieu iusques au tonneau du N. faut tirer N. N. O. dont les marques sont, quand les deux tours aigues vienent a se iondre. Et du costé d'Est dudit tonneau y a bonne profondeur pour les grandes navires, & le tonneau gisit vers le terroir d'Oest landt. Dudit tonneau du Nort, iusques au Vlieter faut tires N. N. O. & N. quart au N. O. tenez lors Memelick & le tonneau du N. l'un sur l'autre tant que l'ail peut porter, & nauigez continuant vers N. O. quart au N. iusques au Ness. Illec gisit un tonneau vers le terroir d'E. Et vis a vis d'iceluy tonneau est la bake ou marques desirées du Ness. Et les marques dudit Ness sont, quand le moulin qui est sur le riage, viet, correspondre au creux, qui est sur le bout dudit riage & que la tour finie en l'Oest lande vienne au bout d'O. des maisons. De la iusques a Volgesendt faut tirer O. N. O. parfois tournat en cercle. Et venant enuiron Vogelsandt, mettez lors la tour de Hoorn, qui est en Texel iognant les maisons qui sont dessoubz Geest, & tenez les en tel estre, iusques a ce que soiez parvenu a la Rade des navires marchandes, iectant illec ancre devant le Geest de Texel ou bon vous semblera. Et voulant tirer vers la Mer, nauigez droit vers Tnieuvv diep, evitant la sabloniere de Geest, nauigeant a la longeur de deux cables du long le Riage de Husduynen iusques a la sabloniere dict Drooghehaeck, & tenez les capes ou osieres qui sont sur Husduynen, un pas loing l'une de l'autre, & faictes voile en mer par le destroit dict Spaengiaerts gat, ou trou d'Espagnols, car par dessus la plate & sabloniere dict Keyfers plaet, ou plate de l'Empereur y a grande profondeur, a scauoir 2. toyses par une demie marée, tellement q' on peut quasi conioindre les capes l'une a l'autre.

Venant hors de la Mer, & voulant a plaine voile entrer par le destroit de Marsdiep, dict communement Spaengiaerts gat: Il fait me tre le Wames, ou la tour S. Iean vers le N. de la haulte dune de Texel, & les capes qui sont sur Husdune, un pas de distace l'vie de l'autre, ce qu' ayant ainsi fait tenez en cest estre icelles marques, & entrez sur les marques de Huysdune dans Spaengiaerts gat & pour entrer par le destroit & trou de Doerley, tenez la cape qui est sur Texel & la tour aiguë a la longeur d'un mastdistant l'un de l'autre. Et entrez amont par ledict trou, iusques a ce qu' ayez les capes qui sont sur Huysdune entremelez & distans l'une de l'autre quasi dun pas, tirez lors E. quart au S. E. vers Huysdune, pour rencontrer le trou de la basse marée, tenant les capes susdictes & la tour distans l'espace d'un pas ou 5. pieds, nauigeant ainsi iusques a ce que les capes qui sont sur Huysdune soient distantes entremelez, comme dessus est dict. Tirant lors vers Huysdune E. quart au S. E. Item pour entrer au Zuydgart, dict le trou du Sud, mettez l'egleise de Geest ioinrant le pied du riage de Huysdune, ou bord de la Mer, entrant & sortant en ceste sorte par ledict trou. Et y estant entré estoiez a la longeur de deux cables tousiours le riage d' Huysdune, iusques par de la le Nieuwv diep. Et de la en auant N. E. iusques a la Rade des marchas, iognant le Geest de Texel, illec iettant l'ancre sur 10. ou 12. toyses.

Toutes les trafiques, commerces & nauigation des villes situees sur le courants de la mer du Sud seroient trop longues a reciter seulement diray ie qu'illec est situee la famouse Ville d' Amsterdam, nonpareille d'Europe, en trafique de toutes sortes de marchandise & denrees venantes du quartier de N. & d'E, pareillement en commodité d'edifices, Magasins & eaux tresconuenables. Et n'eut esté lobsistration & grande partialité des premières Gouverneurs, elle fut devenue la plus renomme Ville marchande de tout le monde.

Enchuyse pareillement. Ville fort renomée, est gisante sur ledict courant & Mer du Sud, la ou devant ladict Ville (en la Mer de Sud) en certaine saison de l'annee, se pescne tout aussi grande quantité de Harens, que par les busses Boots, & Pinques, pa la Meuse s'amincie & se di uend en Hollande, ce que iournuellement se trouve par experiance estre véritable, auquel Harenz enuiron Noël. se scie bon nombre qu'on appelle en Flamenc Tibuckinck, présent des Seigneurs & etrenes des riches et le reste se nomme sorret de Mars, qui n'est pas si bon et delicat. Il se transporte en grand nōbre amont la riniere et Fleuve d'Elue vers Almaigne, Boheme, Hégric, et plus auant par le Fleuve Danube vers Turquie, la ou il se vend pour viāde exquise et delicate. Lexellente Ville de Horne est aussi situee sur ladict Mer du Sud laquelle outre sa traffique et naugation marine est si abondante en Fromages, et Beurre, que c'est une chose plus esmerveillable, que croiable, dont toute l'Almaigne, Brabant, Espagne, et Plusieurs autres Paix me donnent ample tesmoignage, pour la grande quantité q' on y en mene da en.